



# IBADAH KAMIS PUTIH

## GKPI RESORT SAIT NIHUTA

### 1 April 2021

---

01. Marende BE. 86:1+3, “Silang na Badia I” (Ayat 3, Ruas Jongjong)
02. Votum  
P : Dibagasan goar ni Debata Ama, dohot AnakNa Jesus Kristus, dohot Tondi Parbadia  
J : Amen
03. Manopoti Dosa  
P : Hamu angka na hinaholongan di bagasan goar ni Tuhanta, tapajonok ma tu Debata dibagasan unduk ni roha. Di Kamis Putih on, tatopoti ma dosanta tu Debata Amanta I, jala tapangido ma tu Ibana di bagasan goar ni Tuhanta Jesus Kristus hasesaan ni dosanta langgo pangurupion di hita ima di bagasan goar ni Jahowa  
R : Sitompa langit dohot tano on  
P : Ale Debata Amanami Pargogo na so hatudosan. Ho do sitompa jala Sitobus hami. Di borngin on, marningot do hami di partingian na parpudi andorang so dipasahat Ho tu hamatean i. Marningot do hami uju na diburi Ho angka sisean i. Jala marningot do hami uju na dipatupa Ho parpadanan na parjolo na gabe siihuthonon ni huriaM. Di parningotannami borngin on, mangido do hami hasesaan ni dosanami. Sesa ma sude angka dosa naung huulahon hami maradophon Ho dohot dongannami jolma.  
R : Ale amang, asi ma rohaM di ahu perdosa na lea on. Paimbaru ma rohangu di bagasan TondiM jala urupi ma ahu asa mulak tu Ho. Tangihon ma tangiangku di bagasan Jesus Kristus AnakMu, na manaon na porsuk jala mate humophon ahu. Amen  
*Marende BE. 182:2, “Tu JoloM O Debatangku”*  
P : Tabegema bagabaga ni Debata taringot tu hasesaan ni dosa: “Ai songon on do holong ni roha ni Debata di portibi on, pola do Anakna na sasada I dilehon, asa unang mago ganup na porsea di Ibana, asa hangoluan na salelenglelengna di ibana”.  
R : Amen (Ruas Hundul)
04. Marende BE 76:1-2, “Sada na ma sangkap” (Ayat 2, Ruas Jongjong)
05. Intoritus

P : Tabereng ma induk ni haporseaon i jala na paujunghonsai, ma Jesus, na manaonhon parsilangon i, singkat ni las ni roha tohapna i hian, so dietong I hailaon, gabe hundul di siamun ni habangsa ni Debata! Paingotingot hamu ma Ibana, na pataontaon paraloan sisongon i dompak Ibana sian angka sipardosa, asa unang marnaloja hamu, unang mandate tondimuna! Jadi diarahon Jesus ma na sampuludua i jala didok ma tu nasida:

R : Na nangkok ma hita tu Jerusalem jala tulus ma tu Anak ni jolma i sasudena, na tarsurat di angka panurirang. Aii pasahaton ma Ibana tu angka parbegu, gabe isahanna, leanna jala tijuranna ma Ibana; dung i mulak mangolu ma Ibana di ari patoluhon. Alai ndang diantusi nasida agia otik sian i; na buni do hatai sian rohanasida, ndang diboto nasida na hinatahonna i.

Hasangapon ma di Debata Ama, Anak, dohot Tondi Parbaia sian mulana, nuaeng ro di salelenglelengna. Amen

06. Tuhan Asi Ma Roham Di Hami

P : Tuhan, asi ma rohaM di hami

R : Tuhan, asi ma rohaM di hami

P : Kristus, asi ma rohaM di hami

P : Kristus, asi ma rohaM di hami

P : Tuhan, asi ma rohaM di hami

R : Tuhan, asi ma rohaM di hami

07. Hasangapon di Ginjang

P : Hasangapon ma di Debata di ginjang

R : Dame ma di tano on, di angka jolma halomoan i

08. Tabe & Tangiang Kolekta

P : Tuhan mandongani ho

R : dohot mandongani ho

P : Martangiang ma hita ... Hupuji hami ma goarMu na badia I ale Jesus, ala holong ni rohaM di hami. Di borngin on, marsaor do hami dohot Ho marhitehite parningotan Kamis Putih. Ale Kristus, TondiMi ma na bongot tu hamii anggiat parningotannami di borngin on gabe bohah partondion tu hami, asa boi huihuthon hami holong ni rohaM naung pinapatarMu tu hami. Marpangidoan hami tu Ho marhitehite tangiangnami on. Amen <sup>(Ruas Hundul)</sup>

09. Marende BE. 82:2, "Mauas Jesus"

10. Panjahaon I, Pangaradeon Pesta Paska

Songon pangkaholongina di angka na di Ibana na di portibi on, laos songon i do dihaolongi nasida ro diujungna. Alai di ari parhobasan parjolo ni pesta Paska i didapothon sisean ma Jesus, angka ninna ma: Tu dia ma patureonnami di Ho panganon Paska i, dipangido roham ? Gabe didok ma: Laho ma hamu tu huta i manopot si Anu, dok hamu ma tu Ibana: Tona ni Guru i, Na dapot ne ma tingkingku, di ho ma ahu sorang laho mangan Paska i rap dohot siseanKu. Jadi saut ma disuru Ibana siseanna dua halak jala didok ma tu nasida: Molo laho hamu tu huta, pajumpang ma hamu disi dohot sada halak na mangusung aek sahudon. Ibana ma ihuthon hamu. Tu ibana ma dok hamu: Di dia do bilut inganan, asa disi hupangan hami paska i ? jadi patuduhononna ma tu hamu bilut parginjang sada, na lambas na tipak hinembangan, disi ma pature hamu di hita. Jadi borhat ma siseanna, dibongoti ma huta i, jadi jumpang nasida ma tutu songon na nidokNa i, gabe dipature ma Paska i. Asa dung bot ari, ro ma Jesus dohot na sampuludua i.

11. Marende BE. 84:1-2, "Aut na ginorga tu rohangku"
12. Panjahaon II, Jesus Marsipanganon Paska Dohot Sisean  
 Jadi di na mangan i nasida, dihindat Jesus ma roti, dipasupasu ma, diponggoli jala diparlehon ma tu nasida, huhut ma didok: Jalo hamu ma; Dagingku do on! Dung i dihandit ma panginumman, didok ma mauiate, dilehon ma tu nasida, gabe saluhut do nasida manginum sian i. Laos didok ma tu nasida: Mudarhu do on, mudar parpadanan i, na niusehon humongkop torop halak. Na tutu do hatangkan tu hamu: Na so tupa be inumonku olat ni on sian parbue ni hau anggur i sahat ro di ari sogot: Disi ma inumonku na imbaru di harajaon ni Debata. Jadi dung diendehon nasida ende pujipujian i, borhat ma nasida tu dolok Jetun. Jadi didok Jesus ma tu nasida: Na targasip ma hamu saluhutna, ai na tarsurat do: "Lombutanku ma parmahan i, gabe marserak ma angka birubiru i!" Alai dung hehe Ahu sian na mate, joloananku ma hamu tu Galilea.
13. Marende BE. 83:1-2, "Na laho do birubiru I"
14. Panjahaon III, Diburi Jesus Pat ni Sisean i  
 Jadi di na mangan nasida, hehe ma Jesus sian na mangan i, ditanggal ma ulosNa, dibuat ma basahan ditapolhon tu Ibana. Di usehon ma aek tu sambung, dung i diburi ma pat angka siseanna, diapusi ma dohot basahanNa na tinapolhonNa i. Dung i sahat ma Ibana tu SimonPetrus jadi didok i mandok Ibana:Tung Ho ma ale Tuhan, mamuri pathu ? Dung i ninna Jesus ma mangalusi ibana: Ndang diantusi ho pambahenanKu na tu ho

anggo nuaeng, muse pe botoonmu i. Dung i didok si Petrus ma tu Ibana: Matua tano on, ndang burionMu pathu ! Dung i ninna Jesus ma mangalusi ibana: Molo so burionKu ho, ndang partohap ho di Ahu. Dung i ninna Simon Petrus ma: Ale Tuhan, unang ma holan pathu, dohot ma tangan dohot ulungku ! Gabe didok Jesus ma tu Ibana: Halak naung maridi i, ndengkon be burion; ai nunga sude ibana ias. Naung ias do anggo hamu, alai ndang luhut hamu. Ai di tanda do sipasahat Ibana, umbahen na didok: ndang saluhut hamu ias. Asa dung diburi Jesu patnasida, dipangke ma muse ulosNa, hundul ma Ibana, didok ma tu nasida: Ai diantusi hamu do pambahenanKi tu hamu? Digoar hamu do Ahu Guru dohot Tuhan, jadi ture do pandokmuna disi, ai i do Ahu tutu. Asa molo Ahu Tuhan jala Gurumuna mamuri patmuna, tama ma nang hamu masiburianpat ! Ai sitiruon do hulehon tu hau, asa dibahen hamu songon na hubaheni tu hamu ! Na tutu situtu do na hudok on tu hamu: Nandang umbalga anaksomang sian indukna, ndang sumurung suruan sian na marsuru ibana. Molo diboto hamu i, martua ma hamu mangulahonsa !

15. Marende 152:1-2, "Jesus na mamorsan" (ayat 2, ruas jongjong)
16. Manghatindahon Haporseaon + Boaboa
17. Tangiang Pangondianon
18. Marende BE 171:1-2, "Tandai Ma Ahu"
19. Jamita: JOHANNES 13:31-35
20. Marende BE. 180:1-2, "Ro tu Jesus ho na loja"
21. Pelean + Ende Pelean, BE. 84:3
22. Tangiang Pelean
23. Ale Amanami
24. Doksologi, "Ai Ho do nampuna harajaon ..."
25. Pasupasu
26. Amen-Amen-Amen